

PRESAĐIVANJE RASADA

Presaðivanje se podrazumijeva sadnja rasada na stalno mjesto. Kod saksijskog cvijeća to je ulončavanje koje se vrši u stakleniku. Kod rasada sa golim korijenom to je presađivanje i njegova sadnja na stalno mjesto, tj. u cvjetnu gredicu, dok presađivanje ostalog rasada iz zaštićenih ili otvorenih lijeha predstavlja njihovu sadnju na stalno mjesto, otvoreno polje ili njivu.



Vrijeme presađivanja zavisi od klimatskih prilika. Rasad predviđen za sadnju treba prethodnog dana dobro zaliti i vaditi s velikim busenom i dobro očuvanim korijenovim sistemom. Do mjesta sadnje rasad se prenosi u gajbama u kojima je uredno poredan. U procesu pripremanja rasada za presađivanje unaprijed se smije izvaditi samo onoliko biljaka koliko se može odmah i bez zastoja zasaditi u narednih nekoliko sati. Presaðivanje se obično vrši ručno pomoću sadiljke. Rasad se sadi u rupe napravljene sadiljkom, pazeći da korijenov sistem bude dobro raspoređen, a da je korijenov vrat za 1-2 cm niži od dubine na kojoj je bio u sanduku. Sadiljkom se zatim sa strane ravnomjerno zemlja pritisne na žile.

Na velikim površinama sadnja se vrši mašinski – dvorednim ili višerednim sadilicama. Nekoliko dana poslije presađivanja potrebno je izvršiti kontrolu prijema rasada. Sve uvehle biljke zamijene se svježim rasadom. Za popunjavanje mjesta gdje se rasad nije uspio primiti mogu se koristiti biljke iz lijeha, ukoliko se popunjavanje vrši u kratkom roku nakon presađivanja. Ako se ono vrši kasnije, izvjesnu količinu rasada treba posaditi na periferiji proizvodnih površina, tu ih negovati, a zatim po potrebi koristiti za popunjavanje. Takve su biljke bolje prilagođene spoljnim klimatskim uvjetima i lakše podnose presađivanje u odraslijem stanju.

TEKST PRIPREMILI:
prof.dr. Semina Hadžićbulić
mr. Jasna Hasanbegović
www.af.unmo.ba